



# Халқ сўзи

Ўзбекистон –  
келажаги  
буюк  
давлат

1991 йил 1 январдан чиқа бошлаган

http://xs.uz

E-mail: Info@xs.uz

2013 йил 25 октябрь, № 209 (5883)

Жума

## ЎЗБЕКИСТОН ПРЕЗИДЕНТИ БЕЛАРУСЬ РЕСПУБЛИКАСИГА КЕЛДИ

МИНСК, 24 октябрь. ЎЗА махсус мухбири  
Анвар БОБОЕВ хабар қилади.

Ўзбекистон Республикаси Президенти Ислам Каримов 24 октябрь куни Беларусь Республикаси пойтахти Минск шаҳрига келди. Бу ерда Мустақил Давлатлар Ҳамдўстлиги Давлат раҳбарлари кенгашининг навбатдаги мажлиси бўлади.

Мамлакатимиз Президенти давлат раҳбарларининг тор доирадаги ва кенгайтирилган таркибдаги учрашуварига иштирок этади. Музокараларда МДҲ доирасида кўп қиррали ҳамкорликнинг бугунги ҳолати ва истиқболда уни янада ривожлантириш масалалари муҳокама қилинади, долзарб минтақавий ва халқаро муаммолар юзасидан фикр алмашилади.

Ўзбекистон Ҳамдўстлик ташкил этилганидан буён унинг асосий органлари фаолиятида иштирок этиб, иқтисодий интеграцияни ҳамда икки ва кўп томонлама муносабатларда ўзаро манфаатли ҳамкорликнинг кенг имкониятларини ривожлантиришни ёқлаб келади.

МДҲ саммити 25 октябрь куни бўлиб ўтади.

(ЎЗА).

## Ўзбекистон – БМТ:

### Тараққиёт йўлидаги изчил ҳамкорлик

Дунёда турли мақсад ва вазибаларни қўзда тутиб, фаолият юритаётган ташкилотлар, тузилмалар кўп. Улар орасида йўналишлар қарови ҳамда халқаро миқёсдаги обу-этибори жиҳатидан Бирлашган Миллатлар Ташкилоти алоҳида ўрин эгаллайди.

#### САНА

Давлатлар ўртасидаги ўзаро ҳамкорлик алоқаларини мустаҳкамлаш, ривожлантириш, жаҳонда тинчлик ва хавфсизликни, миллатлараро тотувлик ҳамда ҳамжиҳатликни таъминлашга хизмат қиладиган мазкур ташкилот Низоми 1945 йилнинг 24 октябрида расман қўйиб кирган. Ушундан буён ҳар йили ушбу сана БМТ куни сифатида кенг нишонланади.

Кеча пойтахтимизда ўтказилган матбуот анжумани ҳам ана шу санага бағишланди. Унда мамлакатимизнинг қатор вазирлик ва идоралари, жамоат тузилмалари, халқаро ташкилотлар вакиллари қатнашди.

Ўзбекистон БМТга 1992 йилнинг 2 мартда аъзо бўлган. Юртимиз тарихи, халқимиз ҳаётида муҳим воқеа сифатида қайд этилган ўша кундан эътиборан давлатимиз байроғи ушбу ташкилотнинг Нью-Йоркдаги бош қароргоҳи олдида ҳилпираб турибди. 1993 йилда Тошкентда БМТ ваколатхонаси очилди. Бугунги кунда мамлакатимизда ташкилотнинг

бир қатор таркибий тузилмалари — Тараққиёт дастури, Аҳолишунослик жамғармаси (ЮНФПА), Жаҳон соғлиқни сақлаш ташкилоти, Гиёҳвандлик ва жиноятчиликка қарши кураш бошқармаси (ЮНОДС), Болалар жамғармаси (ЮНИСЕФ), ОИВ/ОИТС бўйича бирлашган дастури (ЮНЭЙДС), Гендер тенглиги ҳамда аёллар ҳуқуқ ва имкониятларини кенгайтириш масалалари бўйича тузилмаси, Таълим, фан ва маданият масалалари бўйича ташкилоти (ЮНЕСКО) ваколатхоналари фаолият кўрсатмоқда.

Икки томонлама муносабатларда хавфсизлик, экология, ижтимоий-иқтисодий ривожланиш, таълим, соғлиқни сақлаш каби жиҳатларга алоҳида эътибор қаратилаётган. Ўтган давр мобайнида давлатимиз раҳбари бир неча марта БМТ минбаридан туриб, халқаро аҳамиятга мўлжал қилинган масалаларни кўтариб чиқди ва уларнинг ечими бўйича ўз таклифларини илгари сурди.

(Давоми 2-бетда).

## Ёнилғи-энергетика тизими:

### ЭЗГУ МАҚСАДЛАР, ИСТИҚБОЛЛИ ЛОЙИҲАЛАР



Мустақиллик йилларида Қашқадарё вилояти мамлакатимизнинг ёнилғи-энергетика тизими ривожланган ҳудудига айланди. Ҳозирги кунда республикада қазиб олинаётган нефтнинг 83, табиий газнинг 82, газ конденсатининг 94 фоизи мазкур вилоят ҳиссасига тўғри келаётгани ана шундан далolat беради.

Ҳақиқатан ҳам, ўз бағрида не-не сир-синаотларни яширган ушбу воҳа истиқлол йилларида юртимиз асосий энергия манбаининг макони сифатида намоён бўлмоқда. Чунки ўтган давр ичида бевосита Президентимиз ташаббуси билан “Муборакнефтваз”, “Шўртаннефтваз”, “Муборак газни қайта ишлаш заводи” унитар шўъба корхоналарида янги қувватлар барпо этилди. “Шўртан газ-кимё” мажмуаси ва “Таллимаржон” ИЭС каби йирик корхоналар ишга туширилди. Бугунги кунда эса уларнинг ҳар бири мамлакатимиз иқтисодиёти рағнақига муносиб улуш қўшаётир.



Хусусан, Муборак газни қайта ишлаш заводида модернизациялаш лойиҳалари изчил амалга оширилиши натижасида маҳсулот қайта ишлаш ҳажми 6 миллиард кубометрга кўпайди. Суялтирилган газ қурилмасининг ишга туширилиши муносабати билан йилига қўшимча 258 минг тонна суялтирилган газ, 125 минг тонна газ конденсати тайёрлаш имконияти яратилди.

— Корхонамида дастлабки йилларда 5 миллиард кубометр газ қайта ишланган бўлса, ҳозирги кунга келиб, бу кўрсаткич 29 миллиард кубометрни ташкил этмоқда, — дейди завод бош муҳандиси Элмурод Қурбанов. — Бундай натижага технологик линияларни муттасил такомиллаштириш ва янгилаш ҳисобига эришяпмиз. 2005 йилда йиллик қуввати 13,6 миллиард

кубометр бўлган газни пропан билан совитиш мажмуаси, 2011 йилда қуввати 2 миллиард кубометрлик табиий газни олтингурутли бирикмалардан тозаловчи 22-сонли қурилма, ўтган йили эса 258 минг тонна суял-

#### ИСЛОҲОТ

тирилган газ ва 125 минг тонна конденсат ишлаб чиқариш қувватига эга бўлган заводнинг биринчи навбати фойдаланишга топширилгани шулар жумласидандир. Келгусида йилига 400 минг тонна полиэтилен ишлаб чиқарувчи йирик мажмуа қурилиши ҳам режалаштирилган.

Корхонада меҳнат қилаётган мутахассисларнинг изланишлари натижасида барча қурилма бир маромда ишлатилиб, истеъмолчиларнинг талаби

тўлиқ қондирилаётгани, айниқса, эътиборга моликдир.

Айни пайтда заводда абсорбцион усулида тозаланган ва қурилган табиий газ, техникавий олтингурут ҳамда газ конденсатини барқарорлаштириш йўли орқали суялтирилган газ ишлаб чиқаришмоқда. Мазкур маҳсулотларнинг барчаси мувофиқлик сертификатига эга бўлиб, “Аммофос-Максам”, “Максам-Чирчиқ”, “Навоий-азот” очик акциядорлик жамиятлари, Шимолий Учқудуқ маъданли конлар бошқармаси, Фарғона ва Бухоро нефтни қайта ишлаш заводлари, “Ўзтрансгаз” акциядорлик компанияси, Муборак иссиқлик электр маркази сингари кўплаб корхоналарга етказиб берилаёпти.

(Давоми 2-бетда).

## 25 ОКТАБРЬ — ЎЗБЕКИСТОН РЕСПУБЛИКАСИ ИЧКИ ИШЛАР ИДОРАЛАРИ ХОДИМЛАРИ КУНИ

Пойтахтимизда Ўзбекистон Республикаси ички ишлар идоралари ходимлари куни муносабати билан тантанали йиғилиш ўтказилди. Унда мамлакатимиз ички ишлар тизимида хизмат қилаётган ходимлар, соҳа фахрийлари, давлат ва жамоат ташкилотлари ҳамда оммавий ахборот воситалари вакиллари иштирок этди.

### Осойишталигимиз посбонлари

Тадбирда ички ишлар вазири, генерал-лейтенант Б. Матлубов ва бошқалар йиғилганларни ушбу байрам билан самимий қўлаб, ички ишлар идоралари тизими бугунги кунда халқимизнинг тинч ва осойишта ҳаётини, мамлакатимизнинг ҳуқуқий демократик давлат, кучли фуқаролик жамияти барпо этиш йўлидан изчил тараққий этишни таъминлашнинг ишонч-

ли кафолатига айланиб бораётгани ва бунинг учун юртимизда зарур ҳуқуқий шарт-шароит, имкониятлар яратилганини алоҳида эътироф этди.

Дарҳақиқат, бугунги кунда ички ишлар идораларида жамоат тартибини сақлаш, ҳуқуқбузарликларнинг олдини олиш, жиноятчиликка қарши курашишни янада кучайтириш борасида изчил ишлар амалга оши-

рилмоқда. Тергов бўлинмалари фаолияти мустаҳкамланиб, пост-патруль, ёнгин хавфсизлиги тизими замон талаблари асосида такомиллаштирилмоқда. Турли хавф-хатарлар, мураккаб вазиятларга қарамасдан, зиммаларига юклатилган вазибаларни шараф билан бажараётган осойишталигимиз посбонларининг хизмати таҳсинга сазовор. Айниқса, фуқароларнинг

(Давоми 2-бетда).

## Қисқа сатрларда

● Президентимиз Ислам Каримовнинг 2012 йил 24 октябрда қабул

қилинган қарорига биноан Ўзбекистон Республикаси Мудофаа вазирлиги ҳузуринда ташкил этилган Жамоатчилик кенгашининг йиғилиши бўлиб ўтди. Унда мазкур кенгаш томонидан ўтган вақт мобайнида амалга оширилган ишлар таҳлил қилинди.

● Тошкентда Ўзбекистон Республикаси Фанлар академиясининг Ион-плазма ва лазер технологиялари институти томонидан ИПЕС — Физика электроника бўйича VI халқаро конференция ташкил этилди.

Мазкур тадбир олимларимизнинг физика электроника соҳасидаги фундаментал ва амалий ютуқларини намойиш этиш, истиқболдаги тадқиқотларнинг долзарб йўналишларини белгилаш, уларни амалда қўллаш учун илмий натижаларни умумлаштириш, хорижлик олимлар билан ўзаро муносабатларни кенгайтиришга хизмат қилади.

● Алишер Навоий номидаги Ўзбекистон Миллий кутубхонасида “Infolib Uzbekistan — 2013” миллий ахборот-кутубхона ҳафталигига бағишланган матбуот анжумани бўлиб ўтди. Алишер Навоий номидаги Ўзбекистон Миллий кутубхонаси томонидан Ўзбекистон Республикаси Олий Мажлиси Қонунчилик палатаси, Маданият ва спорт ишлари вазири, Алоқа, ахборотлаштириш ва телекоммуникация технологиялари давлат қўмитаси, Матбуот ва ахборот агентлиги билан ҳамкорликда иккинчи бор ўшатирилган, ранг-баранг тадбирлар, тақдиротлар, кўргазмалар, экскурсияларга бой ўтиши кутулаётган мазкур ҳафталик 28 октябрдан 1 ноябрга қадар давом этади.

● Термиз шаҳрида Сурхондарё вилоятидаги 260 маҳалла фуқаролар йиғинига қиймати 465 миллион сўмликдан ортиқ замонавий ахборот-коммуникация технологияларини топшириш маросими бўлиб ўтди. Тадбирда сўзга чиққанлар маҳаллаларнинг компьютер жиҳозлари билан таъминланганини улар фаолияти самарадорлигини оширишга хизмат қилишини таъкидладилар.

● Андижонда “Йилнинг энг фаол маънавий тарғиботчиси” кўрик-танловининг вилоят босқичи якунланди. Унда Марҳамат туманидаги 18-умум-таълим мактаби ўқитувчиси Гулбахор Таваккалова биринчи ўринни қўлга киритиб, танловнинг республика босқичига йўланма олди.

«Халқ сўзи» мухбирлари хабарлари асосида тайёрланди.

## Фидойилик ва садоқат мезони

Мустақиллик йилларида, барча йўналишларда бўлгани каби ички ишлар идоралари тизими тубдан ислоҳ этиш, хусусан, унинг таркибий тузилмалари моддий-техник базасини мустаҳкамлаш, юксак салоҳиятли кадрлар билан таъминлаш ва уларнинг малакасини оширишга алоҳида эътибор қаратилди. Президентимиз раҳнамолигида суд-ҳуқуқ соҳасида олиб борилаётган ислохотлар мамлакатимизда қонун устуворлиги ва қонунийликни мустаҳкамлаш, аҳоли манфаатларини муҳофаза қилиш, айниқса, тинчлик, осойишталикни сақлашда муҳим омил бўлмоқда.

#### МУНОСАБАТ

Сўнгги вақтларда ички ишлар идораларида инсон ҳуқуқ ва эркинликларини ҳимоя қилиш бўйича қўрилаётган аниқ чоратадбирлар самараси ўларок, Ўзбекистон Республикаси Ички ишлар вазириликда Инсон ҳуқуқларини ҳимоя қилиш ва

юридик таъминлаш бошқармаси, жойларда унинг бўлим ва бўлинмалари ташкил этилди. Айни пайтда тизимнинг мазкур йўналиши юридик маълумотга эга бўлган, тажрибали ходимлар билан таъминланди.

Шу билан бирга, профилакти-

тика хизмати ҳам тубдан қайта ташкил этилди. Ҳозир ушбу соҳа вакиллари фуқароларнинг ўзини ўзи бошқариш органлари, жамоат ташкилотлари, умуман, кенг жамоатчилик билан яқин ҳамкорликда фаолият юритмоқда. Бу эса, ўз навба-

тида, жиноятчиликка қарши курашиш ва ҳуқуқбузарликларнинг олдини олишда муҳим аҳамият касб этмоқда. Чунончи, жорий йилнинг ўтган даври мобайнида 2 минг 900 дан зиёд қишлоқ ва маҳаллаларда бирорта жиноят содир этилишига йўл қўйилмаганилиги бу борадаги ишларнинг амалий натижасидир.

Бугун халқимизнинг турмуш тарзи тобора фаровонлашиб бормоқда. Бу эса кўчаларимизда автотранспорт воситалари сони кундан-кунга ошиб бораётгани ҳам намоён бўлаётир. Бу шубҳасиз, йўл ҳаракати

хавфсизлигини таъминлашда соҳа ходимларининг янада масъулиятли бўлишини талаб этади. Бинобарин, мамлакатимизда йўл ҳаракати хавфсизлигини таъминлашга қаратилган ишлар ўз самарасини бераёпти, десак, ани ҳақиқат. Бунда, албатта, Ўзбекистон Республикасининг “Йўл ҳаракати хавфсизлиги тўғрисида”ги Қонуни ва ушбу Қонун талабларидан келиб чиққан ҳолда қабул қилинган кўплаб қонунчилик ҳужжатлари муҳим ҳуқуқий асос бўлмоқда.

(Давоми 2-бетда).



АКАДЕМИК ЎТКУР ИСЛОМОВ



Ўзбекистон илм-фани оғир жудоллик учради. Атоқли археолог ва тарихчи олим, тарих фанлари доктори, академик Ўткур Исломов 81 ёшида вафот этди.

Ў. Исломов 1932 йили Тошкент шаҳрида хизматчи оиласида туғилган. 1956 йилда Низомий номидаги Тошкент давлат педагогика институтининг тарих факультетини тамомлади.

Бўлғуси олим ўз меҳнат фаолиятини Ўзбекистон Республикаси Фанлар академиясининг Тарих ва археология институтининг лаборант сифатида бошлади, дастлаб номзодлик, кейинчалик эса докторлик диссертациясини ҳимоя қилди.

Ў. Исломов ўзининг қарийб 60 йиллик илмий-педагогик фаолияти давомида Ўзбекистон Республикаси Фанлар академияси Тарих ва археология институтининг илмий ходими, бўлим mudiri, Ўзбекистон Фанлар академияси Археология институтининг Тошкент бўлими mudiri каби вазифаларда меҳнат қилди.

Таниқли олим археология ва тарихшуносликнинг долзарб масалаларига оид кўплаб монография ва рисола, илмий мақолалар муаллифидир. Айниқса, унинг раҳбарлигида Фарғона водийси ҳудудида олиб борилган археологик изланишлар Ўзбекистон замини энг қадимий одамзод манзилҳолиридан бири эканини илмий асосда исботлаш имконини бергани, мамлакатимизнинг мезолит даврига оид тарихи айнан ана шу изланишлар асосида яратилганини илмий жамоатчилигимиз яхши билади.

Жонкуяр ва фидойи олим ўз фаолияти давомида кўплаб ёшларга устозлик қилди. Унинг бевосита раҳбарлигида ўнлаб фан докторлари ва фан номзодлари тайёрланди.

Академик Ў. Исломовнинг мамлакатимиз илм-фанини ривожлантириш борасидаги хизматлари давлатимиз томонидан муносиб тақдирланди. У «Меҳнат шuhrати» ордени билан мукофотланган эди.

Атоқли олим, меҳрибон устоз, самимий ва камтарин инсон Ўткур Исломовнинг ёрқин хотираси қалбларимизда ҳамisha сақланиб қолади.

И. КАРИМОВ, И. СОБИРОВ, Д. ТОШМУХАМЕДОВА, Ш. МИРЗИЁЕВ, Ш. СОЛИХОВ, Э. РҒВЕЛАДЗЕ

«KOC'HMAS MULK SAVDO XIZMATI» MЧЖ

очик танлов савдоларига таклиф этади.

Танлов савдосига ТИФ «Миллийбанк» томонидан ТИФ «Миллийбанк» Кенгашининг 2013 йил 24 апрелдаги 25-сонли йиғилиш қарорига асосан, Қорақалпоғистон Республикаси, Нукус тумани, Саманбўй қўرғонига жойлашган, собиқ «Қорақалпоғистон» иссиқхона жамоа ҳужжалига тегишли, умумий ер майдони 14,0 гектар, шундан қурилиш ости ер майдони 66 940,05 кв.м. дан иборат бино-иншоотлар ва бошқа мулклар мажмуаси қўйилмоқда.

Бошланғич баҳоси — 4 469 601 497 сўм.

Танлов таклифларини қабул қилишнинг охириг муддатти — 2013 йил 11 ноябрь куни соат 18.00. Танлов таклифлари тақдим этилган конвертларни очиб ва танлов савдосини ўтказиш 2013 йил 13 ноябрь куни 15.00 да «Koc'hmas mulk savdo xizmati» МЧЖ мажлислар залида амалга оширилади (таклифлар келиб тушмаган тақдирда, савдолар 2013 йил 20, 27 ноябрь, 4, 11 декабрь кунлари соат 15.00 да такоран ўтказилади. Такорорий савдоларга таклифлар қабул қилиш муддатти: 20 ноябрдаги савдо учун — 18 ноябрь, 27 ноябрдаги савдо учун — 25 ноябрь, 4 декабрдаги савдо учун — 2 декабрь, 11 декабрдаги савдо учун — 9 декабрь кунлари соат 18.00).

Очиқ танлов савдоларида иштирок этиш истагидаги талабгорлар ўрнатилган тартибда тўлдирилган буюртманомаларни «Koc'hmas mulk savdo xizmati» МЧЖга тақдим қиладилар ва закатал тўғрисидаги келишувга асосан, мулк бошланғич баҳосининг 10 фоизи миқдоридаги закатал пулини ОАИТБ «Ипак йўли» банки «Сағбон» филиалидаги қуйидаги ҳисоб рақамига тўлашлари шарт: 20208000904920609114, МФО: 01036, СТИР: 207122519.

«ТУРОН КИМ ОШДИ САВДО» МЧЖ

«Кўнғирот сода заводи» унитар корхонаси учун асбоб-ускуналар сотиб олишга тендер савдоси эълон қилади.

Тендерда қатнашиш учун қуйидаги шартларни бажарган, тендер асосида харид қилинадиган асбоб-ускуналарнинг тегишли ҳажмларини етказиб бериш тажрибасига эга бўлган мамлакатимиз ва хорижий ишлаб чиқарувчилари, шу жумладан, кичик бизнес корхоналар иштирок этишлари мумкин.

Тендер комиссияси ишчи органининг номи ва манзили: «Кўнғирот сода заводи» УК, Қорақалпоғистон Республикаси, Кўнғирот тумани, Элобод қўрғони.

Тендер предмети — қуйидаги лотлар бўйича асбоб-ускуналар етказиб бериш:

- 1-лот. Гиперпрессланган гишт ишлаб чиқариш линияси — 1 тўплам (соатига 13 000 — 15 000 дона).
2-лот. Қурилиш охагини ишлаб чиқариш линияси (қунига 45 — 50 тонна).
1-лот бўйича сотиб олиннадиган асбоб-ускунанинг энг юқори баҳоси — 600 000 АҚШ доллари.
2-лот бўйича сотиб олиннадиган асбоб-ускунанинг энг юқори баҳоси — 500 000 АҚШ доллари.

Тендер савдоларини ўтказиш шартлари бўйича қўшимча маълумот олиш учун манзил: Хоразм вилояти, Урганч шаҳри, Пахлавон Маҳмуд кўчаси, 2/1-уй, Ўзбекистон Халқ демократик партияси биноси, 2-қават, 204-хона. Телефон: (8-362) 226-63-57.

Гувоҳнома № 0159.

ДУНЁ НИГОҲИ

Яқинда Хитойда нашр қилинадиган «Контимост» журнали саҳифаларида Ўзбекистоннинг сайёҳлик ва сармоявий салоҳиятига бағишланган туркум мақолалар чоп этилди. Улар «Мега-инфо-тур» лойиҳаси доирасида мамлакатимизда бўлиб қайтган шанхайлик журналистлар ижодий сафарининг маҳсули сифатида журналхонлар эътиборига ҳавола қилинди.

«Контимост» журналы Ўзбекистоннинг сайёҳлик ва сармоявий салоҳияти ҳақида

«Контимост» журналыда эътироф этилгандек, Ўзбекистонда сайёҳлик соҳаси жадал ривожланаётти, янгидан-янги туристик йўналишлар ўзлаштирилаётти, ўлкамиз эса бутун дунё сайёҳларини оҳанрабодек ўзига тортмоқда.

Хитойлик журналистлар Ўзбекистонда хорижлик меҳмонларга таклиф этилаётган хизматларнинг сифати юқори даражада эканлиги ва ҳордиқ чиқариш учун барча шарт-шароит яратилгани хусусида фикр билдиришган, юртимизда замонавий меҳмонхоналар ва сайёҳлик агентликлари тармоғи, ривожланган ҳаво, темир йўл ва автомобиль транспорт тизими яхши йўлга қўйилганини алоҳида таъкидлашган.

Мақолалардан бирида давлат томонидан кўрсатилаётган эътибор, хусусий сайёҳлик фирма ва компаниялари ҳамда меҳмонхона тармоқларидан иборат уюшмалар амалга ошираётган саъй-ҳаракатлар тўғрисида «Контимост» журналыда кайд этилишича, Тошкент халқро туризм ярмаркаси нуфузининг тобора ошиб бораётгани хорижлик турсоператорларда Ўзбекистонга

нисбатан катта қизиқининг мавжуд эканлигидан далолатди. Бунинг сабаби эса хорижда Ўзбекистоннинг бой миллий мероси, маданияти, урф-одат ва аънавалари билан яқиндан танишишга бўлган иштиёқнинг тобора ортиб бораётгани орқали изоҳланади. Қолаверса, Ўзбекистонда экологик саёҳатлар, ҳордиқнинг фаол турлари ва экстремал спорт сингари сайёҳлик имкониятларининг янги қирралари ҳам аллақачон ўзлаштирилган.

Нашрда Тошкентда бўлиб ўтган «Дам олиш олами — 2013» халқро сайёҳлик кўргазмаси чоғида пазандалик туризми бўйича мутахассисларнинг ўзбек миллий таомлари тайёрлаши аънавалари билан яқиндан танишуви тафсилотлари ҳам қаламга олинган. Шу билан бирга, Хоразм вилоятида ички туризмининг рағбатлантириш ва вилоятнинг сайёҳлик салоҳиятини намойиш этиш мақсадида Хивада ўтказилган «Uzbekistan Travel

Интерфаол хизматлар тури кенгаймоқда

«Uzinfosot» компьютер ва ахборот технологияларини ривожлантириш ва татбиқ этиш маркази мутахассислари Давлат-тижорат Халқ банкида ахборот коммуникация технологияларидан фойдаланиш жараёнини ўрганиб чиқдилар.

ХАЛҚ BANKI

Ушбу тадбир банк фаолиятини янада оптималлаштириш ва реинжининг қилиш мақсадида амалга оширилди. Ўраниш давомида банкнинг расмий веб-сайти юритилиши, интерактив хизматлар жорий қилиниши, АКТ-инфратузилмаси хатланганлиги ва технологик аудитдан ўтказилганлигига эътибор қаратилиб, ушбу йўналишда тасдиқланган иш концепцияси таҳлил этилди.

Яқуний фикрга кўра, Халқ банкининг бу борадаги фаолияти ижобий баҳоланди. Бу мазкур молия муассасасида АКТни ривожлантиришда етарлича тажриба тўпланганлигидан далолатди. Шу билан бирга, Халқ банкининг www.xb.uz расмий сайти Ўзбекистон Республикаси Вазирилар Маҳкамасининг 2005 йил 22 ноябрдаги «Ахборотлаштириш соҳасида норматив-ҳуқуқий базани такомиллаштириш тўғри-

«...»ги қароридан белгиланган вазифаларга мос равишда ишламоқда. Яъни сайтнинг дизайни ҳам, мижозлар билан алоқа ўрнатиш ва уларга янгиликлар етказиш бўлимлари ҳам бугунги талабларга тўлиқ жавоб беради. Сайтдан фойдаланувчилар эса банк-молия соҳасига тааллуқли меъёрий-ҳуқуқий ҳужжатлар еки курсатилган хизмат турлари ҳақида тез ва батафсил маълумот олиш имкониятига эгадир. Ўрганиш жараёнида, шунингдек, ахборот-коммуникация тизимини янада такомиллаштириш бўйича бир қатор таклиф ва тавсиялар берилди. Бу, ўз навбатида, Халқ банки фаолиятини ривожлантириш, мижозлар билан алоқаларни мустаҳкамлашга хизмат қилади.

Халқ банки ахборот хизмати.

Маҳалла болаларига туҳфа

Шу кунларда Чирчиқ шаҳридаги Адолат маҳалласи ўсмирлари ва кичиктойлари бўш вақтларини ҳар қачонгидан ҳам сермазмун ўтказмоқдалар.

БУНЁДҚОРЛИК

Худудда замонавий болалар хиёбони ҳамда спорт майдончаси бунёд этилган, улар учун шундай имконият яратилди.

— Бу қулайликдан фараздларимиз жуда мамнун, — дейди ўй бекаси Фазилят Эргашева. — Биласиз, кўп қаватли тураржойларда яшовчиларда бундай очик майдон ва хиёбонларга эҳтиёж, айниқса, катта. Эндиликда болажонларимиз мини-футбол, баскетбол ҳамда теннис майдончасида спорт билан шугулланишмоқда. Шунингдек, хиёбонга ўрнатилган аттракционлар ҳам эртаю кеч кичиктойлар хизматида.

Ғайрат ШЕРАЛИЕВ, «Халқ сўзи» мухбири.

Эълонлар

Барча юридик ва жисмоний шахслар, шу жумладан, хорижлик инвесторлар диққати! Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитаси Тошкент шаҳар ҳудудий бошқармаси, «Koc'hmas mulk savdo xizmati» МЧЖ Тошкент шаҳар филиали

бошланғич баҳоси босқичма-босқич ошиб бориш тартибида ўтказиладиган очик аукцион савдоларига таклиф этади. Аукцион савдосига қуйидаги давлат активи қўйилади: Тошкент шаҳри, Олмазор тумани, Байроқтоқ кўчаси, 15-уйда жойлашган бино-иншоотлар.

Мурожаат учун манзил: Тошкент шаҳри, Миробод тумани, Истикбол кўчаси, 34-уй. Аукцион савдоси ўтказиладиган манзил: Тошкент шаҳри, Миробод тумани, Амир Темури шохўчаси, 16-«А» уй. Маълумотлар учун телефон: (8-371) 236-38-28. Факс: (8-371) 236-38-28.

Савдоларни ўтказиш жараёнида қонун билан ҳимояланадиган ҳуқуқларнинг бузилган тақдирда, Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитасининг (8-371) 259-21-37 рақамли ИШОНЧ ТЕЛЕФОНИга зудлик билан хабар беришингиз сўралади! Савдоларга марҳамат қилинг!

Барча юридик ва жисмоний шахслар, шу жумладан, хорижлик инвесторлар диққати! Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитаси Наманган вилояти ҳудудий бошқармаси, «Koc'hmas mulk savdo xizmati» МЧЖ Наманган вилояти филиали

бошланғич баҳоси босқичма-босқич ошиб бориш тартибида ўтказиладиган очик аукцион савдоларига таклиф этади. Аукцион савдоларига қуйидаги давлат активи қўйилади: Наманган вилояти, Тўрақўрғон шаҳри, Тошкент маҳалласида жойлашган, умумий ер майдони 191,96 кв.м. (битта бино) бино-иншоотларнинг қурилиш ости майдони 52,8 кв.м.дан иборат 13-сонли мой алмаштириш шохобчаси.

Мурожаат учун манзил: Наманган вилояти, Наманган шаҳри, Нодира кўчаси, 3-уй, 4-қават. Маълумотлар учун телефон: (8-369) 227-97-01. Факс: (8-369) 227-94-47. Электрон почта: info@1kms.uz. Интернетдаги веб-сайт: www.1kms.uz. www.gki.uz, www.gkitorg.uz.

Савдоларни ўтказиш жараёнида қонун билан ҳимояланадиган ҳуқуқларнинг бузилган тақдирда, Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитасининг (8-371) 259-21-37 рақамли ИШОНЧ ТЕЛЕФОНИга зудлик билан хабар беришингиз сўралади! Савдоларга марҳамат қилинг!

